



## Præambul.

**D**er Stein der Weisen (welcher ist ein Universal vnd die höchste Medicin/ auch der größte Reichthumb auff Erden) einmalen *in rerum naturâ* gewesen: oder warhafftig/ auch was er sey vnd vermöge/ davon haben viel fürtreffliche vberaußhochgelehrte Männer vnd Philosophi/ als der Graff von Treviso/ Dionysius Bacharius/ ein Franckösischer Edelmañ/ Theobaldus von Hohenlande / ein Niderländischer vorrefflicher vom Adel: Item der Authör (welcher ein würdiger *luriconsultus* war) des kleinen edlen Sawrs: vnd sonst viel andere mehr / *fundamentaliter* vnd sehr herzlich geschrieben / auch die Warheit der Kunst vnd Wissenschaft/ sampt dero vermögen statlich/ so wol mit vnwidersprechlichen Gründen/ als auch lebendigen Exempeln vnd öffentlichen zeugnüssen / schier nah zum vberflus obs wol nicht jedermänniglich auß offentlich Schrifften vnd Büchern/ sondern allein denen/ welchen es von GOTT sonderlich gegeben/ offenbar erden kan) demonstret vnd dargethan: dahin ich nun vmb geliebter kürze willen den günstigen Leser gewiesen haben / vnd allhier einzig vnd allein von der wahren *materia Lapidis philosophici* handeln will: daß also / wer denselbigen machen vnd bereiten wünschet (daß doch nicht

A bey